

陳學士吟窓雜錄

陳學士新編吟窓雜錄卷二十九

江爲

題白鹿國庠

吟登蕭寺旃檀閣醉倚王家玳瑁筵

孟賓于

有詩

園林瀟灑聞來久欲訪因循二十秋今日開襟吟不盡碧山重疊水長流

舒李昉詩

昔日聲塵喧洛下近年詩句滿江南

第一舉下第詩

蟾宮空手去下澤更誰來

第二舉下第詩

水國二親應探勝龍門三月又傷春

第三舉下第詩

仙島却回空說夢清朝未達自嫵身

第四舉下第詩

失意從來桃李春嵩陽經過歇行塵  
去僧不見城中

事問是今來第幾人

第五舉下第詩

因逢日者教重應忍被雲僧勸却歸

第六舉登第

沈庭瑞

爲道士惟嗜酒醅於風雅

有詩曰

何須問我道成時紫府清都別有期  
手握藥苗人不識體含仙骨俗爭知

劉洞

石城懷古

石城古岸頭一望思悠悠幾許六朝事  
不禁江水流金陵將陷題于道旁

千里長江皆渡馬百年養士得何人

夏寶松

有宿江城詩

鴈飛南浦枯初動月滿西樓酒半醒

又云

曉來羸駟依前去南後還山數點青

列洞紀之曰非列洞乃陳德誠

建水舊傳列夜坐螺川新有夏江城

康仁傑

贈陳德誠詩

紅布渡江霞蘸水香蛇出匣雪侵衣

登樓詩

雲散便疑千里望日斜長占半城陰

又貽嘉禾峰僧詩

只此住山寧有意向來求佛本無心

伍喬

江表志曰

喬與張洎皆韓熙載門人張為樞密使喬通  
刺歙州嘗吟詩一篇戒去人曰侯洎遊宴時  
投之洎携門生遊北山僕者投詩云

不知何處可消憂公退携壺即上樓職事久叅侯伯  
幙夢魂長遶帝王州黃山向晚盈軒翠綠水含春繞  
郡流遙想王堂多暇日花時誰伴出城遊洎為之動  
容翌日召還為員外郎

### 王操

謁宋國老獻詩送數百縑於鍾鼓飲酒數日  
而盡醉中掛帆數百里至落星灣半醉醒烟  
雨中登冰心寺斜行題詩於壁曰

分飛南渡春風晚却返家林舊業空無限離情似楊

柳萬條懸放楚江原

徐融

夜宿金山詩

淮舡分蟻點江市聚蟬聲

許堅

有詩

道旣學不得仙從何處來

題簡寂觀詩

松揪一色古壇靜鸞鶴不來青漢高

又病鶴詩

卧久就慵伸雪項少遲猶未整霜衣

又詩

滿目紅塵人不識謾隨流水出山來

題僧寺

荒碑字沒莓苔深古池香泛荷花白

黃可

獻高侍郎詩

天下傳將舞馬賦門前迎得跨驢賓

潘佑銘其墓曰其爲詩奢如許史放如巢由  
簡如葛天閑如麋鹿

高越

詠鷹詩

雪爪星眸衆鳥歸摩天專待振毛衣虞人莫謾張羅  
網未肯平原淺草飛



李徵古

有登祝融峰詩

欲上祝融峰先登古石橋鑿開巖嶮地取路到丹霄  
鍾謨

在耀州有詩與州將云

渭北離愁春色早江南家事戰塵中

何昌齡

顯揚克儉池館

經旬因雨不重來門有蛛絲有鏡苔再向白蓮池上  
看不知花木爲誰開

李顏

鄉人王架上第顏以歌賀之

蓬瀛上客顏如玉手探月輪爲返燭笑顧嫦娥玉兔  
言謂折一枝情未足

周匡物

有謝恩門詩

中夜自將形影語古來吞灰是何人

蕭膺

土圭詩

白日在重雲如何分曲直

邵楚義

題馬中亭

日影遲遲麗空閣洞戶佳人捲羅幕

許稷

字君苗尤工歌篇爲江南春三首

第一首

江南正月春花早梅花柳花夾長道

第二首

江南二月春光半杏白桃紅香蕊散

第三首

江南三月春光暮蝴蝶閑飛遶深圃

林鐸

送鄭還州詩

官從書府拜吏向武閭迎

詹雄

詠蟬詩

雨餘翼歛槐煙薄風急聲翻柳巷深

詠柳詩

自從彭澤先生後翠葉芳條只自春

王肱

有無題五十首首篇云

旅屋江山上夜來夢吳越崑溜穿白雲  
子規啼空山一聲一滴血何事秋風出門又離別

李滂

詠愁詩

應緣心裏難停住化作新絲出鬢邊

吳翊

字子充有鳳凰集盛行於世

遊塞云

此地古今存何年苦戰頻

又云

秋燒黃雲黯暮塵夜深聞鬼哭一一是忠臣

征婦詩

塵鑑經春掩霜衣隔歲裁

陳文弼

字處仁有詩三百篇行于世

詠海潮詩

百谷朝宗處朝昏洶湧時未嘗聞失信不省與誰期  
落勢分江島來聲震海涯魚龍爭會合鷗鷺競相隨  
卷釣人眠待會程客恠遲幸通蓬關路孤棹去何疑

楊少陽

有茅亭詩

池枯樹老花半開黃鶯歌春空亭臺

陳從道

字象先有詠扇詩

况有明年三伏在秋風能占幾多時

古今才婦

班婕妤

作怨歌行

新裂齊紈素鮮潔如霜雪裁成合歡扇團團似明月  
出入君懷袖動搖微風發常恐秋節至涼飈奪炎熱  
棄捐篋笥間恩情中道絕

細君公主

九卦中嫁烏孫自爲歌曰

吾家嫁我天一方遠託異國兮烏孫王居常思土兮  
心內傷願爲黃鵠兮歸故鄉

蔡琰

爲胡騎所獲生二子後歸重嫁於董祀

悲憤作詩二章

其一曰

犬屬綴人心念別死會期存亡永年傷不忍與  
兒前抱我頭問母欲何之人言母當去豈復

其二曰

家既迎兮當歸寧臨長路兮損所生兒呼母

聲我掩耳兮不忍听追持我兮走乳乳心但絕兮死  
復生

琰有胡笳十八拍

徐淑

後漢秦嘉妻嘉疾還家不獲贈詩三首

淑以詩荅之曰

离别无因兮叙懷恨無羽翼高飛兮相追長吟兮永  
嘆淚下兮沾衣

左芬

爲离思賦又荅兄詩書等數十篇行於世

謝道韞

謝奕之女嘗內集俄而雪下叔父安曰何所似也安



足子郎曰散塩空中差可擬道蘊曰未若柳絮因風起安大悅

陳氏

嘗正旦獻椒花頌

璇穹昭回三朝肇建青陽散輝澄景載慢標美靈葩爰採爰獻聖容映之永壽於萬

翔風

晉石崇愛婢懷怨而作五言詩  
春華誰不美辛傷秋落時

辛氏

晉傅充妻元日詩曰

元正啓令節嘉慶肇自茲咸奏萬年觴小大同悅熙

鮑令暉

宋參軍昭之妹也

擬青河畔草

裊裊臨窓竹  
靄靄垂門桐  
灼灼青軒女  
冷冷高臺中  
擬客從遠方來

客從遠方來  
贈我鳴漆琴  
木有相思文  
絃有別離音  
寄行人

自君之出矣  
臨軒不解顏

古意贈今人

寒鄉無思服  
衣薺代文綵  
日日望君歸  
年年不解顏  
代小王詩

明月何皎皎  
垂幌照羅茵  
若共相思夜  
知同憂死晨

寄行人

桂吐兩三枝蘭開四五葉是時君不歸春風徒笑妾

韓蘭英

吳郡人有文辭武帝以爲博士教六宮

沈后

野簃載曰

后幽於別宮後主過之臨去間不留

后爲詩曰

誰言不相憶教妾若爲留後主哀之欣幸如故

王氏

嫁爲衛敬瑜妻年十六而寡誓不嫁

乃爲詩曰

墓前一株栢根連復並枝妾心能感木頽城何足商

王宋

劉勲妻也入門二十餘年無子出之於道中作詩曰  
誰言去婦薄去婦情更重千里不唾井况乃昔所奉  
遠望未爲遥踟躕不得往

沈蒲願

范靜婦也詠步搖花詩

珠華紫翡翠寶葉間金瓊

錢蕭娘詩

明珠翠羽帳金薄綠綃帷

詠燈詩

風軒動丹焰陰宇澹清輝

昭君歎曰

早信丹青巧重貨洛陽師千金買蟬鬢百萬馬娥眉  
映水曲

輕鬢學浮雲雙蛾擬初月水澄正落釵華開理垂髮  
劉氏

王叔英妻孝綽妹也

和昭君怨

一生竟何怨萬事良難保丹青失舊圖玉匣成秋草

何氏

贈答曰

粧鉛點黛拂輕紅鳴環動珮出房籠

劉令

徐惟妻孝綽妹也惟卒爲祭文其辭曰

生死並殊親情猶一敢道先好手調薑橘

孝綽屏門不出爲詩十字以題其門口

閉戶罷慶弟高臥謝公卿

令嫺續之曰

落花掃更合叢蘭摘復生

又詩

落日更新粧開簾對春樹

和健好怨曰

日落應門閑愁思百端生

胡后

魏司徒國珣之女也宣宗幸花林園后有詩曰

化光造物含氣貞

帝和之曰

恭已無爲賴慈英

馮淑妃

齊後主始名小憐後主亡以賜遠達甚嬖之始因琵琶絃斷

有詩曰

雖蒙合日寵猶憶昔時憐欲知心斷絕應看膝上絃

崔氏

北齊盧士深妻林義之女也

春日以桃花醢兒面咒曰

取紅花取白雪與兒洗面作光悅取白雪取紅花與

兒洗面作研華取花紅取雪白與兒洗面作光澤取  
雪白取花紅與兒洗面作華容

吳降仙

隋煬帝宮人拜婕妤有卽將進合歡水果帝合賜之  
降仙有詩謝曰

駟騎傳雙果君王寵命深寧知辭帝里無復合歡心  
長孫后

春花曲

井上新桃偷面色簷邊嫩柳學身輕

徐賢妃

長門怨

舊愛栢梁臺新寵昭陽殿守分餘芳輦含情泣團扇



一朝歌舞榮風昔詩書賤顏思城已矣覆水難爲薦  
北方有佳人

由來稱獨立本自號傾城柳葉眉間發蓮花臉上生

陳學士新編吟窓雜錄卷二十九

陳學士新編吟窓雜錄卷三十

武后

游九龍潭詩

山窓游玉女洞戶對瓊峯岩頂翻雙鳳潭心倒九龍  
酒中浮竹葉盃上瀉芙蓉故驗山家賞惟聽風入松

臘日宣詔曰

明朝遊上苑火急報春知花須連夜發共待曉風吹  
凌晨名花瑞草有苑而開羣臣咸服其異焉

上官昭容

名婉兒上官儀之女也年十四武后召見有所制作  
若素構中宗與羣儒唱和昭容代作采麗益新

有書怨篇

葉下洞庭初思君萬里餘露濃春被冷月落錦屏虛

綵花詩

密葉因裁吐新花遂剪舒

宋尚宮

名若昭德宗召入試文章分問經史大義咨美留宮  
中不以妾禮待之

王氏

撰天寶迴紋詩凡八百一十三字誠其子曰吾沒後  
逢大道之朝便可以上言

林氏

送男左貶詩

他日初投杼勤王在飲冰有功期不罰積駁竟相仍

又云

淚添江水遶心劇海雲蒸但將忠報主何惧黜青蠅

魏氏

贈外詩曰

浮萍依絲水弱葛寄青松

宜芳公主

嫁奚霫質子有詩

出嫁辭鄉國由來此別難聖恩萬遠送行路泣相看

宋氏

即大家也有宛轉歌

風已清明朝琴復明掩抑非千態慙慙是一聲

又曰

日已暮長簷鳥應度此時望君君不來此時思君君不顧

丁氏

有十索詩四首

李季蘭

聽從叔彈三峽流泉作歌曰

妾家本任巫山雲巫山流水常自聞玉琴奏出轉寥  
曼直似當時夢中聽

留別廣陵故人

無才多病分龍鍾不料虛名達九重仰愧彈冠上華  
髮多慙拂鏡理衰容

送閻伯均往江洲

相招折楊柳別恨轉依依萬里西江水孤舟何處歸

明月夜留別

離人無語月無聲明月有光人有情別後相思人似  
月雲間水上到層城

春閨怨

百尺井欄上數株桃已紅念君遼海北拋妾宋家東  
相思怨

人道海水深不抵相思半海水尚有涯相思耿無畔  
感興

玉枕紙知長下淚銀燈空照不眠時

臥病

已看雲聚散更念木枯榮

陷賊寄故人

鞞鼓喧行選旌旗拂座隔

偶居

心遠浮雲去不還心雲併在有無間  
狂風何事相搖蕩吹向南山復北山

遇潮寄房明府

不覩河陽一縣花空見青山三兩點

八至

坐近至遠東西至深至淺清溪至高至明  
日月至親至疎夫妻

寄十七兄校書

無事烏程縣蹉跎歲月餘不知芸閣吏  
寂寞意何如

得閻伯鈞書

莫怪欄干垂玉筍只緣惆悵對銀鈎

結素魚贈友人

欲知心裏事看取腹中書

送閻二十六赴剡溪

流水閨門外孤舟日復西  
離情適芳草無處不淒淒

寄朱昉

別後無恨情相逢一時說

元淳

秦中春望

上苑雨中樹終南霽後峯

寄洛中姊妹



弟兄俱已盡松栢問何人

寄楊女冠

聞道茂陵山水好碧溪流水有桃源

送霍師妹遊天台

陵城峭壁無人到丹竈芝田有鶴來

寓言

三千宮女露娥眉笑煮黃金日月遲

寄洛中姊妹

題書憑鴈翼望月想娥眉

張夫人

拜新月

暗魄初籠桂虛弓未引絃

占意

轆轤曉轉素絲綆桐花夜落蒼苔甌

柳絮

飄罇浮綠醕拂幌綴紅綃

又詩

遊蜂乍起驚落堦黃鳥銜來却上枝

誚喜鵲

疇昔鴛鴦侶朱門賀客多如今無此事好去莫相過

拾得花鈿

曾經纖手裏粘向翠眉邊

寄遠

臨風重回首掩淚向庭花

詠淚

鏡中春色老枕前秋夜長

崔仲容

贈所思

願作梁間燕無由變此身

寄贈

妾心合君心一似影追形

春怨

梁燕無情困雙栖語此時

古意

桐花落盡春又盡  
紫塞征人猶未歸

感懷

不覺紅顏去空嗟白髮生

鮑君微

字文姬

關山月

高高秋月明北照遼陽城塞迥光初滿風多暈更生

入南澗

殘芳菰蘭馥照水何花紅

開霄望月

轉扇來清風援琴飛白雪

東亭茶宴

幽篁映沼新抽翠芳桂低簷欲吐紅

惜花

不如盡下歡莫待春風摠吹却

晚眺

遠樹擁川斷晴雲抱日流

趙氏

前進士杜羔之妻也

贈羔雜言

君從淮海遊再遇蘭杜秋歸來樂須臾又道向梁川

聞羔及第

長安此去無多地鬱鬱葱葱佳氣浮良人得意正年  
少今夜醉眠何處樓

雜言

上林園中青青桂折得一枝好夫壻杏花如雪柳垂  
絲春風蕩颺不同枝

羔累舉不第將至家以詩奇之

良人端的有奇才何事年年被放迴如今妾面羞君面  
君若來時近夜來

梁瓊

昭君怨曰

回看父母國生死畢胡塵

銅雀臺

誰憐未死妾掩映下銅臺

宿巫山

南峯忽暗北峯晴空裏神人笑語聲

古意

玉枕空流別後淚羅衣已盡去時香

張窈窕

贈所思

夕望層城眼欲穿  
曉臨明鏡腸堪絕

蜀中春情

滿院花飛人不到  
含情欲語鷺雙雙

成都書事

故園胡虜隔何處  
事蠶桑

寄故人

無金可買長門賦  
有恨空吟團扇詩

春思

井上梧桐是妾移  
夜來花發最高枝  
忽然不向深閨種  
春過門前爭得知

又曰

雙燕不知腸欲斷  
嚙泥故故傍人飛

西江行

日下西塞山南來  
洞庭客晴空白鳥渡萬里秋光碧

常浩

贈盧夫人

日暮出畫堂下  
堦拜明月拜月如有詞  
傍人那得知

贈友人

聞道東山逸興多  
爲憐明月映滄波  
不辭紅粉隨君去  
其奈蒼生有望何

閨情

門前昨夜信初來  
見說行人卒未迴  
誰家樓上吹橫



笛偏送愁聲向妾哀

蔣蘊

又名馥馥贈鄭女古意

昨來巫山中失却陽臺女朝來香閨裏獨伴楚王語

春閨曲

寂寞相思處雕梁落燕泥

贈故人

昔別容如玉今來鬢若絲淚痕應共見腸斷阿誰知

崔萱

字伯容 古意

灼灼葉中花夏委春又芳明明天上月蟾缺圓復光

戲贈

如今身佩上清籙莫遣落花沾羽衣

叙別

碧池漾漾春水綠中有佳禽暮栖宿願持此意永相貼祇慮君情中反覆

豪家子

年少家藏累代金紅樓盡日醉沉沉馬非躑躅寧醉價人不嬋娟肯動心

豪家妓

豈知一隻鳳釵價活得數村蝸舍人

劉媛

長門怨

露滴梧桐秋葉黃愁心和雨到昭陽淚痕不學君恩

斷拭了千行更萬行

送遠

聞道瞿塘灩澦堆青山流水近陽臺知君此去無還日妾亦隨波不復迴

贈怨者曰

傍人那得知心事一面殘粧空淚痕

除夜

春風報梅柳一夜發南枝

廉氏

懷遠

青林有蟬響赤日無鳥飛徘徊東南望雙淚空沾衣

寄征夫

淒淒北風吹鴛被  
始娟西月生娥眉

峽中即事

青林二峽此中去  
啼鳥孤猿不可聞  
一道水聲多亂石  
四時天氣少晴雲

張琰

感懷

年年人自老  
日日水東流

春詞

春情不可柰  
愁殺閨中婦

又曰

蕩子意不歸  
空閨淚如雨

又曰

庭芳自搖落永念結中腸

銅雀臺

西陵嘖嘖悲宿鳥空殿沉沉閑青苔

崔公達

遠意

看花獨不語徘徊雙淚消

獨夜詞

秦箏不復續斷絃回身掩泣看花立

寄遠

君今遠戍在何處遣妾秋來長望夫

田娥

寄遠

淚流紅粉薄風度羅衣輕

閑居

春至偏無興秋來祇是眠

携手曲

鳳笙龍管白日陰盈虧自感青天月

薛濤

字洪度蜀妓也

無相國寄濤詩

言語巧於鸚鵡舌文章偷得鳳凰毛

罰赴邊上武相詩

聞道邊城苦如今到妾知羞將門下曲唱與隴頭兒

又曰

螢在荒蕪月在天  
螢飛豈到月輪邊  
重光萬里應相照  
目斷雲霄信不傳

又曰

按轡巔頭寒復寒  
微風細雨徹心肝  
但得放兒歸舍去  
山水屏風永不看

題竹郎廟

竹郎廟前多古木  
夕陽沉沉山更綠  
何處江郎有笛聲  
笛聲盡是迎郎曲

詠柳絮

他家本是无情物  
一餉南飛又北飛

寄遠

花開不同賞  
花落不同悲  
欲問相思處  
花開花落時

又曰

閨閣不知戎馬事月高還上望夫樓

劉雲

望月

天漢涼秋夜澄澄一鏡明山空猿屢嘯林靜鵲頻驚  
有所思

浮雲遮却陽關道向晚誰知妾懷抱玉井蒼苔春院  
深桐花落盡無人掃

婕妤怨

秋扇尚有時妾身永微賤



陳學士吟窓雜錄卷三十終

陳學士吟窓雜錄卷三十一

吟譜

張文姬

鮑參軍之妻也

雙槿樹詩

綠葉競扶疎紅姿相照灼不學桃李花亂向春風落

池上竹

北君臨此池枝低水相近碧色綠波中日日流不盡

溪口雲

一片溪口雲纔向溪中吐不復還溪中還作溪中雨

沙上鷺

沙頭一水禽鼓翼揚清音只待高風便非無雲漢心

葛陂兒

會仙詩

彩鳳搖搖下翠微  
煙花漠漠偏芳枝  
王窓仙會何人見  
唯有春風子細知

煙霞迤邐接蓬萊  
宮殿參差曉月開  
羣玉山前人別處  
紫鸞飛起望仙臺

程長文

雀臺怨

君王去後行人絕  
簫竽不響歌喉咽  
雄劍無威光彩沉  
寶琴零落金星滅  
王階寂寂墜秋虛  
月照當時歌舞處  
當時歌舞人不迴  
化為今日西陵灰

春閨怨

綺陌香飄柳如線時光瞬息如流電良人何處事功名十載相思不相見

書情上使君

妾家本住鄱陽曲一片真心比孤竹強暴之男何所爲手持白刃向簾幃一命任從刀下死千金不受暗中欺血濺羅衣終不恨瘡粘錦袖亦何辭縣僚曾未知情緒即便教人繫囹圄朱唇滴瀝獨啣冤玉筍攔干歎非所十月寒更堪愁人二鬢擊折一傷神高髻不梳雲已散娥眉淡掃月仍新三尺嚴章難可越百年心事向誰說但看洗雪出圓扉始信白圭無玷缺

趙虛舟

戲贈

砌下梧桐葉正齊  
花繁雨後厭枝低  
報道不須鷓鴣鳥  
亂他家自有鳳凰棲

魚玄機

寄子安

聚散已知雲不定  
恩情須學水東流  
有花時節難知  
遇未肯厭厭醉玉樓

又寄子安六言

煙裏歌聲隱隱  
渡頭月色沉沉  
含情咫尺千里  
況復家家遠砧

江邊樹

草色迷荒岸  
煙姿入遠樓  
葉鋪秋水面  
花落釣人頭  
根老藏魚窟  
枝低繫客舟  
蕭蕭風雨夜  
驚夢幾添愁

送別

水柔逐器知難定，雲出無心肯再歸。  
惆悵江邊楚江暮，鴛鴦一隻失羣飛。

寄子安

楓葉千枝復萬枝，江橋掩映暮帆遲。  
憶君心似西江水，日夜東流無定時。

重陽阻雨

滿懷黃菊籬邊拆，兩朵茱萸鏡裏開。  
落帽臺前風雨隔，不知何處醉金盃。

姚月華

古怨

春水悠悠春草綠，彼此思君淚相續。  
羞將離恨向春

風理盡秦箏不成曲

又曰

與君形影分胡越王枕乍經笑離別登臺北望煙雨  
深回身泣向寥天月

劉向

暗別離

槐花結子桐葉焦單飛越鳥歸青霄翠軒輾雲輕遙  
遙蘸腴淚迸紅線條

雜意曲

吳刀剪破枝頭錦茱萸花墜相思枕綠窓寂寂背燈  
時暗數寒更不成寢

闔閭城懷古

五湖春水接遙天國破家亡不記年  
唯有妖娥曾舞處古臺寂寞起愁煙

裴羽仙

賦邊將二首

其一

風卷平沙日欲熏狼煙遙認犬羊羣  
李陵一戰無歸日望斷胡天笑塞雲

其二

良人平昔逐蕃渾力戰輕生出塞門  
從此不歸成萬古空留賤妾怨黃昏

薛瓊

賦荊門



黃鳥翻紅樹青牛卧綠苔諸宮歌舞地輕霧鎖樓臺

楊容華

新粧詩

鳳釵金作縷鸞鏡玉爲臺

侯氏

夫張睽戍邊十餘年侯氏綉迴文作龜形詩上進  
睽離已是十秋強對鏡那堪重理粧聞鴈幾迴修尺  
素見霜先爲製衣裳開箱疊練先垂淚拂杵調砧更  
斷腸綉作龜形朝天子願教征客早還鄉

裴柔之

元相國稹妻也

稹見柔之哭贈以詩曰

窮冬到鄉國正歲別京華自恨風塵眼常看遠地花  
碧幢還照耀紅粉莫咨嗟嫁得浮雲婿相隨即是家  
柔之答曰

侯門方擁節御苑柳絲新不是悲殊命唯愁別近親  
王韞秀

元載妻也王忠嗣女也載貧時王家薄之

載乃將秦爲詩別韞秀曰

年來誰不厭龍鍾雖在侯門似不容看取海山寒翠  
樹苦遭霜雪到秦封

韞秀請偕行詩曰

路掃飢寒跡天哀志氣人休濡離別淚携手入西秦  
後元擢中書

韞秀有詩寄姊妹曰

相國已隨麟閣貴家風第一右丞詩笄年解笑鳴機  
婦耻見蘇秦富貴時

載貴盛賓客候門而或間阻

韞秀作詩曰

楚竹燕歌動畫梁更闌更換舞衣裳孫洪開館招賓  
客知道浮榮不久長

李弄玉

三卿題序曰余本若耶溪東不得從夫西入  
函關寓居晉昌里第不意良人已矣邈然無  
依經過之所舉目魂銷雖曩昔讌笑之地街  
冤加歎假使潘岳復生無以悼其幽思也遂

命筆聊題其詩曰

昔逐良人西入關良人身歿妾空還謝娘衛女不相  
待爲雨爲雲過比山

繼此題者十一人

陸貞洞曰

惆悵殘花過暮春孤鶯舞鳳倍傷神清詞好箇平人  
事疑是文姬第二身

王祝曰

女兒山前嵐氣低佳人留恨此中題不知雲雨歸何  
處空使王孫見即迷

劉谷曰

蘭蕙芬芳見玉姿路傍花笑景遲遲葦蘿山下無窮

意併在二鄉惜別時

王條曰

浣沙遊女出關東舊跡新詞一夢中槐陌柳華何限  
事年年回首向春風

李昌業曰

紅粉蕭娘手自題分明幽怨發雲閨不應更學文君  
去泣向殘花歸剡溪

王碩曰

無姓無名越水濱芳詞空怨路傍人莫教才子空惆  
悵宋玉東家是舊隣

李鎬曰

會稽王謝兩風流王子沉淪謝女愁歸思若隨文字

在路傍空爲感千秋

張綺曰

洛川依舊好風光  
蓮幙無因見女郎  
雲雨散來音信斷  
此生遺恨寄三鄉

高衢

南北千山與萬山  
軒車誰不思鄉關  
獨留芳翰悲前跡  
陌上空傷桃花顏

韋冰

來時歡笑去時哀  
家國迢迢向越臺  
待寫百年幽思盡  
故宮流水莫相催

賈馳

壁古字未滅  
聲長響不絕  
蕙質本如雲  
松心應耐雪

耿耿離幽谷悠悠望甌越杞婦哭夫時城崩無此說

薛瑗

南楚材妻也楚材游陳穎歲久穎守欲以子妻之楚材忽不思義而諾焉瑗知其意對鏡月圖其形

并詩寄之曰

欲下丹青筆先招寶鏡端已驚顏索寞漸覺髮凋殘  
淚眼描將曷愁腸寫出難恐君渾忘却時展盡圖看  
楚材觀之遂歸夫婦偕老

慎氏

嚴雍夫妻十年無子出之慎氏登舟為詩曰

當時心事已相關雨散雲飛一餉間  
更是孤帆從此去不堪重過望夫山

灌夫覽詩遂爲婦道如初

孫氏

代夫贈人白燭詩

自有清香勝蘭蕙一條白玉逼人寒

聞琴

初疑颯颯涼風動又似蕭蕭暮雨零

謝酒

好是綠窓風月夜一盃搖蕩滿懷春

徐月英

送人詩

生憎平望亭中水忍照鴛鴦相背飛

郭紹蘭



適巨賈賈數年不歸燕爲作詩

我拚去重湖臨窓泣血書殷勤憑燕翼寄與薄情夫

夫在荊州得燕書而歸

京兆女

王仁裕曰

女爲亂兵所掠有詩  
寂寥滿地落花紅獨有離人萬恨中回首池塘更無  
語手彈珠淚有東風

海印

蜀慈光寺尼也才思清峻

有年夜詩

水色連天色風聲益浪聲旅人歸思苦漁叟夢魂驚

孫臧序曰三英者三哲婦之辭也世有男子  
大誇篇詠而意隨語盡者滔滔皆然三英婦  
德天賦若此忍不序而碣之乎

謝希孟

字母儀謝景山妹也

希孟之詩尤隱約深厚守禮而不自放有古  
幽閒淑女之風非特婦人之能言也

希孟有花詩八篇

其一詠牡丹

為花雖可期論德亦終鮮

其二詠芍藥

好是一時艷本無千歲期所以詠欄贈載之在聲詩

其三詠薔薇

勾牽主人衣一歩行不得

其四詠躑躅

薰薰麝臍烈灼灼腥血殷

其五詠凌霄

樹旣摧爲薪花亦落爲塵

其六詠朱槿

艷陽一何好零落千載冤

其七詠曼陀羅

盜者得其便棹頭笑且歌

其八詠蝴蝶

卞子眞實季莊生夢還怯

舉棹雲先到移舟月遂行旋吟詩句罷猶見遠山橫

花藥夫人

姓徐氏孟昶侍人

有宮詞三十二首

華氏

有贈陳團詩

帝王師不得日月老應難

名士無不諷詠

盧氏

寒食詩

田舍輓轡出短牆村落鞦韆掛高樹

劉元載母

早梅詩

南枝向暖北枝寒一等春風有兩般憑仗高樓莫吹  
笛大家留取倚欄干

詹茂光妻

寄遠

錦江江上探春回銷盡寒冰落盡梅爭得兒夫似春  
色一年一度一歸來

趙晟母

惜別

暖有花枝冷有水佳人後會却無憑預愁離別苦相  
對挑盡漁陽一夜燈

右三英詩

鮑氏

題信州於溪驛

溪驛號名杉煙花滿翠嵐誰知今夜好宿處是江南

李氏

拾得破錢詩

半輪明月掩塵埃依稀猶有開元字想得清光未破時買盡人間不平事

有彈琴詩

昔年剛笑卓文君豈信絲桐解誤身今日纔彈心即亂此心元自由人

峴山妓

賈中郎與武補闕至峴山遇一妓草草而別妓走人

送詩一章與武曰

弄珠灘上欲消魂獨把離懷寄酒樽無限煙花不留  
意忍教芳草怨王孫

謝氏

數歲則學吟詩

嫁王元甫

元甫赴都調官謝有詩送行

此去惟宜早早還休教重起望夫山君看江上千竿  
竹不是男兒淚染斑

趙氏

蜀潘炕妄名鮮愁其母夢吞海棠花藥而生頗有國  
色善爲新聲及工小詩

徐氏

禱青城山回有詩

周遊靈境散幽情千里江山暫得行  
所恨風光看未足却馳金翠入龜城

高氏

李獻名曰

淮妻士大夫妻頗工詩

春怨詩

楊花日日常無定海燕年年却有歸  
一瞬青春速於電等閑寃盡縷金衣

侯夫人

煬帝時在後宮不得進死臂懸錦囊左右取以進

有自感詩二首



其一

庭絕玉輦迹芳草漸成窠  
隱隱聞簫鼓君恩何處多

其二

欲泣不成淚悲來翻強歌  
庭花芳爛熳無計柰春何

其三

春陰正無際獨步意如何  
不及閑花草翻承雨露多

又詩

粧成多自恨夢好却成悲  
不及楊花意春來到處飛

又遣意好

秘洞崑仙丹雕房鎖玉人  
毛君真可戮不肯寫昭君

帝見其詩反覆傷感

陳學士吟窓雜錄卷三十一